

靖海紀

三

太子少保提督福建水師總兵官右都督

伯臣施琅

謹

題爲飛報舟師渡海克取澎湖大捷事竊照

臣

自去年六月同督臣姚啟聖在銅山停

師回汛劉國軒偵知自回臺灣留撥僞鎮

營等船兵扼守澎湖不時來往調度今年

四五月知

臣

乘南風決計進剿就臺灣賊

夥選撥精壯敢死者及抽調草地佃丁民
兵將洋船改爲戰船凡各僞文武等官所
有私船盡行修整弔集來澎湖大小砲船
烏船趕繪船洋船雙舢舨船合計二百餘
號賊夥二萬餘衆仍將僞鎮營等官兵各
眷口監羈臺灣紅毛城赤嵌二城堅其死
戰劉國軒親統傾巢復來澎湖將娘媽宮
嶼頭上下添築砲城二座風櫃尾砲城一

座四角山砲城一座雞籠山砲城一座東
西嶼內一列砲臺四座西面內外暫西嶼
頭一列砲臺四座牛心灣山頭頂砲臺一
座凡沿海之處小船可以登岸者盡行築
造短牆安置腰銃環繞二十餘里分遣賊
衆死守星羅碁布堅如鐵桶臣總統鎮營
舟師將各大小戰船風蓬上大書將弁姓
名以便觀看備知進退先後分別賞罰于

六月十四日辰時由銅山開駕進發十五日申時到貓嶼花嶼有守汛賊哨數十餘隻見臣舟師將到卽奔回澎湖時值天晚將船隻灣泊八罩水坡湧遣官坐小哨到將軍澳南大嶼等島安撫島民十六日早進攻澎湖逆賊排列船隻迎敵臣標署右營遊擊藍理等官兵配坐鳥船一隻署後營遊擊曾成等官兵配坐鳥船一隻署左

營遊擊張勝等官兵配坐鳥船一隻二等
侍衛吳啟爵等官兵配坐鳥船一隻同安
城守右營遊擊趙邦試等官兵配坐鳥船
一隻海壇鎮標中營遊擊許英等官兵配
坐鳥船一隻銅山鎮標右營遊擊阮欽爲
等官兵配坐鳥船一隻此數船首先衝鋒
破敵直入賊踪攻殺賊砲船二隻趕繒船
六隻賊夥斬殺殆盡其船放火燒燬又用

炮火攻擊立刻沉壞賊鳥船一隻趕繪船

二隻副鋒

臣

標右營千總鄧高勻配水陸

等官兵坐鳥船一隻烽火營遊擊王祚昌

勻配水陸等官兵坐鳥船一隻

臣

標署右

營守備方卻等官兵配坐鳥船一隻金門

鎮標中營遊擊許應麟等官兵配坐鳥船

一隻金門鎮標右營守備林芳等官兵配

坐鳥船一隻

臣

標隨標功加守備李光琅

等官兵配坐烏船一隻用炮火攻擊打沉
賊烏船一隻趕緝船二隻賊夥溺死殆盡
時值南潮正發前鋒數船被流逼近砲城
賊艘復合齊出包圍臣恐數船侵入難出
自將坐駕船直衝入賊踪殺退興化鎮臣
吳英繼後夾攻焚殺僞揚威將軍援剿左
鎮沈誠統轄前鋒鎮姚朝玉義武鎮陳侃
戎旗五鎮陳時雨其僞協將弁大小賊目

計有七十餘員不知姓名難以開報僞水
師總督林陞中箭三枝中鹿銃二門左腿
被大砲打折立即載回臺灣必死無活賊
衆焚殺溺死計有二千餘衆遂救出數船
臣右眼被銃擊傷眼睛未壞因天色將晚
收出西嶼頭洋中拋泊十七日早將全鯨
舟師復收八罩水坡灣泊嚴申軍令查定
功罪賞罰官兵十八日進取虎井桶盤嶼

十九日臣坐小趕繪船往澎湖內外暫峙
內細觀形勢二十二十一兩日故用老弱
驕兵之計用趕繪雙帆艍船分二股假攻
峙內內外暫以分賊勢臣于二十二日再
申軍令分股進發遣臣標隨征都督陳蟒
魏明副將鄭元堂領趕繪雙帆艍船共五
十隻爲一股從東畔峙內直入雞籠嶼四
角山爲奇兵夾攻又遣臣標隨征總兵董

義康王外委守備洪天錫領趕繒雙帆船
船共五十隻爲一股從西畔內暫直入牛
心灣作疑兵牽制將大鳥船五十六隻居
中分爲八股每股七隻各作三疊臣居中
爲一股興化鎮臣吳英領一股居左平陽
鎮臣朱天貴臣標前營遊擊何應元合領
一股居右金門鎮臣陳龍領一股在次左
臣標署中營叅將羅士鈐署右營遊擊藍

理署後營遊擊曾成合領一股在次右之
右署銅山鎮臣陳昌領一股在次左之左
海壇鎮臣林賢領一股在末右廈門鎮臣
楊嘉瑞領一股在末左尚船八十餘隻畱
爲後援臣督率嚴陣指揮直向娘媽宮撲
剿賊各處砲城及迎敵砲船烏船趕繒大
小各船四面齊出迎敵每賊砲船安紅衣
大銅砲一位重三四千斤在船頭兩邊安

發煩二十餘門不等鹿銃一二百門不等
砲火矢石交攻有如雨點烟焰蔽天咫尺
莫辨首衝破敵陷陣乃末右一股海壇鎮
臣林賢等官兵配坐大鳥船一隻右股平
陽鎮臣朱天貴臣標前營遊擊何應元等
官兵配坐大鳥船一隻末右海壇鎮標左
營遊擊吳輝等官兵配坐大鳥船一隻右
股臣標千總蔡琦鳳勺配水陸等官兵坐

大鳥船一隻末右海壇鎮標右營守備林
正春等官兵配坐大鳥船一隻副鋒右股
臣標前營千總林鵬勻配水陸等官兵配
坐大鳥船一隻末右海壇鎮標右營遊擊
江新勻配水陸等官兵坐大鳥船一隻右
股署圍頭營遊擊陳義勻配水陸等官兵
坐大鳥船一隻右股署平海營遊擊鄭桂
勻配水陸等官兵坐大鳥船一隻末右海

壇鎮標中營遊擊許英等官兵坐大鳥船
一隻前鋒次右之右臣標署中營叅將羅
士鈐等官兵坐大鳥船一隻署後營遊擊
曾成等官兵坐大鳥船一隻署右營遊擊
藍理等官兵坐大鳥船一隻中營千總林
顯達勻配水陸等官兵坐大鳥船一隻左
營千總胡泮勻配水陸等官兵坐大鳥船
一隻署後營中軍守備戴名芳勻配督標

副將林寶等官兵坐大鳥船一隻前鋒臣
中股隨征左都督何義等官兵坐大鳥船
一隻侍衛吳啟爵等官兵坐大鳥船一隻
隨征遊擊施世騷隨征外委守備李廷彪
施肇勲施肇瓚等官兵坐大趕繒鳥船一
隻隨征外委遊擊施應元隨征外委守備
陳王路隨征千總施超等官兵坐大趕繒
鳥船一隻隨征副將黃昌都司黃勇外委

守備施世驩等官兵坐大趕繒鳥船一隻
隨征叅將許克濟陳遠致遊擊方鳳外委
守備施世驥等官兵坐大趕繒鳥船一隻
隨征副將湯貴叅將鄭雲外委守備施世
忠等官兵坐大趕繒船一隻隨征叅將謝
英遊擊廖程外委守備施世驪等官兵坐
大趕繒鳥船一隻隨征副將林應外委守
備施輔李寅等官兵坐大趕繒鳥船一隻